



Ráðhús Reykjavíkur
Borgarráð

Efni: Rekstrarleyfi Krílasels

Á fundi skóla- og frístundaráðs þann 10. nóvember 2020 voru lögð fram drög að nýju rekstarleyfi fyrir leikskólann Krílasel ásamt minnisblaði sviðsstjóra skóla- og frístundasviðs, dags. 10. nóvember 2020.

Erindið var samþykkt og vísað til borgarráðs.
Framangreindu er hér með vísað til borgarráðs.

Virðingarfyllt

Helgi Grímsson

sviðsstjóri skóla- og frístundasviðs

Hjálagt:
Minnisblað, dags. 10. nóvember 2020
Drög að rekstarleyfi



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Ósk um breytingu á rekstrarleyfi leikskólans Krílasels

Fyrir liggur beiðni frá ungbarnaleikskólanum Krílaseli um breytingu á rekstrarleyfi leikskólans.

Núverandi rekstrarleyfi leikskólans frá desember 2018 gerir ráð fyrir 20 börnum samtímis á aldrinum 6/9 mánaða til 36 mánaða.

Sótt er um fjölgun barna upp í 25 börn samtímis. Fermetrafjöldi leikskólans uppfyllir viðmið skóla- og frístundasviðs um rými 25 barna. Leikskólinn skilaði námskrá árið 2018 og hefur skilað starfsáætlun í samræmi við reglur þar um. Við eftirlit heilbrigðiseftirlits eru ekki athugasemdir við leikskólann.

Skv. fyrirbyggjandi gögnum á skóla- og frístundasviði er svigrúm til að fjölga börnum úr 20 í 25 samtímis, og væri þá verið að reikna með rúmlega 3,5 fm í leikrými á hvert barn. Þá hefur útileiksvæði leikskólans verið stækkað um 225 fm frá því að leyfi var fyrst gefið út. Af framangreindu virtu ætti húsnæðið að rúma umbeðna fjölgun barna.

Af hálfu skóla- og frístundasviðs er ekki gerð athugasemd við að rekstrarleyfi verði breytt og börnum fjölgað úr 20 í 25.

DRÖG

Rekstrarleyfi fyrir leikskólann Krílasel

Með vísun til 25. gr. laga nr. 90/2008 um leikskóla og reglur Reykjavíkurborgar um leyfi til reksturs leikskóla veitir skóla- og frístundaráð Reykjavíkurborgar hér með Krílasel ehf kt. 700818-0390 leyfi til reka ungbarnaleikskólann Krílasel, í húsnæði að Rangárseli 8, 109 Reykjavík.

Fyrir liggja teikningar af húsnæðinu að Rangárseli 8. Veitt er heimild til að reka leikskóla í húsnæðinu fyrir allt að 25 börnum á aldrinum 6 mánaða til 36 mánaða.

Vottorð liggur fyrir frá Vinnueftirliti ríkisins og heilbrigðiseftirliti Reykjavíkur um að húsnæðið uppfylli þær kröfur sem gerðar eru til starfseminnar.

Við leikskólann skal starfa leikskólastjóri, sem hefur starfsheitið leikskólakennari og hefur annað hvort viðbótarmenntun í stjórnun eða kennslureynslu á leikskólastigi.

Við ráðningu annarra starfsmanna leikskólans skal gætt ákvæða laga nr. 87/2008 um að í 2/3 hluta stöðugilda við kennslu, umönnun og uppeldi barna séu ráðnir leikskólakennarar.

Rekstraraðila ber að láta alla starfsmenn leikskólans undirrita yfirlýsingu um að þeir muni gæta þagmælsku um hagi barna og foreldra þeirra sem þeir fá vitneskju um í starfi sínu og leynt skulu fara samkvæmt lögum, fyrirmælum yfirmanna þeirra og eðli máls.

Þjónustumiðstöð Breiðholts veitir leikskólanum sérfræðiþjónustu, sbr. reglugerð nr. 584/2010, um sérfræðiþjónustu leik- og grunnskóla.

Leikskólastjóra er skylt að endurskoða skólanámskrá reglulega og leggja hana fyrir skóla- og frístundaráð til staðfestingar. Skólanámskrá leikskólans er yfirfarin og samþykkt.

Starfsáætlun ber að skila árlega samkvæmt nánari ákvörðun skóla- og frístundaráðs.

Leikskólanum er skylt að meta með reglubundnum hætti gæði leikskólastarfsins á grundvelli 17. gr. laga nr. 90/2008 um leikskóla og reglugerð nr. 893/2009 um mat og eftirlit í leikskólum og eftirlitsskyldur sveitarstjórna um skólahald. Upplýsingar um matið ber leikskólanum að birta opinberlega ásamt tengslum þess við skólanámskrá og áætlanir um umbætur.

Skóla- og frístundasvið Reykjavíkurborgar framkvæmir ytra mat og hefur eftirlit með leikskólanum. Ber leikskólanum að láta skóla- og frístundasviði í té gögn um innra mat sitt ásamt öðrum upplýsingum sem eru nauðsynlegar vegna ytra mats og eftirlits.

Uppfylli leikskólinn ekki ofangreind skilyrði getur skóla- og frístundaráð afturkallað rekstrarleyfið, ef rekstraraðili bregst ekki við athugasemdum innan tilskilins frests.

Reykjavík, xx. október 2020

Helgi Grímsson, sviðsstjóri skóla- og frístundasviðs Reykjavíkurborgar.